

Euskal-itz jostaldien batzarreko

GIZON ARGIDOTARRAK

AITATUKO degu lenbizi, batzarra-ren lenengo buru izan zana:
Jose Manuel Agirre-Miramón jauna.

1882-ko Mayatzaren 11-an, bildu ziranian Donostiko biltoki zarran euskalzale pizkor eta sutzuak, Euskal-itz jostaldien batzarra anto-

latzeko asmoakin, Miramón jauna buru izan zuten; eta jaun argidotar, biyotz bero, eta buru azkar arrek, bere asko jakiñakin zuzendu zituben lan guziak, biar zan eran batzar berria zortzeko, pizkor, bikain eta indartzu.

Urte bereko Uztaillaren 2-an, egin zan bigarren bilaldiya, eta Miramón jaunna gelditu zan batzarrearen buru.

Urrengo urteko Iraillaren biya arte, buru egon zan; eta ordu arte alegin guziyak egin bazituben euske-
ra, eta gure oitura maitagarrien alde, geruago ez zan guchiyago zayatu gai on-
tan, eta ill arte beti izan zan euskal-zale beroenetakua.



JOSÉ MANTEROLA JAUNA

Gipuzkoa-n gizon otz-aundikoa izan zan, eta Batzar nagusiyan lenengo eta goyeneko malletan agertzen zan bere izena.

Euskal-itz jostaldien batzarra atsegin aundiakin gogoratzen da bere lenengo burutzaz, eta oroipen au eskeintzen dio bere izenari.

*
* *

Artakua eta yayua bazan lenengo buruba, ez zan motelagua lenengo goarpelaria: Jose Manterola jauna.

Euskal-itz jostaldien batzarrea sortu baño len, Manterola-k antolatu zituben zerbait euskal indarneurtze, agertu zuben gure albistari EUSKAL-ERRIA, eta makiña bat neke, eta makiña bat lan bere gañ artu zituben Batzarrea antolatu arte.

Ez zan azarre, Hatzarrea sorturikikusi zubenian. Goarpelari-tzat aukeratu zuten; eta batzarretik eta albistari-tik egiñalak egin zituben euskal-zaletasuna, pištu eta sendotutzeko.

Geruago eta geyago goitutzen dira orain Manterola-ren egipen gogoangarriak. Orain naitasun geyagorekin oroitzen da bere izen atsegiña.

*
* *



ANTONIO ARZAC JAUNA

Manterola il zanian, gauza bat zioten denak:

¡Zeñek orain Manterola-ren egi-penak aurrera eramango ditu!

jaungoikoari ezkerrek biyotz aundiko gizon bat arkitu zan, bear bearreko euskal lan ayeke utzi eta betiko galdu ez zitezen.

Gizon ura zan: Antonio Arzac jauna.

Gogotik ekin zion lanari, eta geroztik euskera-ren aldeko zerbait lan egin biar bazan, aurreneko izango zan beti Arzac jauna.

Ez da erres astuko, euskal-itz jostaldien batzarrean, Antonio Arzac



RAMÓN ARTOLA JAUNA

Indalezio Bizcarrondo (Bilinch) ez zan gure Batzarreko izan, bada euskal-itzen zorigais-torako, gure Batzarra sortu baño len il zan.

Bañan lenbiziko egunetik Batzarreko laguntzat esagutu zan donostiar neurtitzlari berdín gabe ura, eta beti ala izan degu.

Orrengatik, donkitzerakuan oropen bat, Euskal-itzen jostaldien batzarreko gizon argidotarrai, ezin lajako genduen aitatu gabe, Bilinch-en izen ospatsua.

Eta itz labur abek eskeintzen diskagu, donostiar jator, neurtitz lari bikaiñ, euskal-zale pizkorrari.

EUSKAL-ERRIA

zanaren izen argidotarra, eta egunetik egunera, gogo geyagorekin beratzaz gogoratzen gera.

*
* *

Gure batzarra-ren aurrenekoetako lagun Ramon Artola izan zan, eta eriotzak bakarrik alde egin azion batzarretik.

Bizi zan arte, naitasun aundia izan zion Batzarreari, eta egin al guziak bere alde egin zituan.

Lagunatsegiñ artzaz Batzarrean gogoratzen gera gogo audiakin.

*
* *



INDALECIO BIZCARRONDO (BILINCH) JAUNA